



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595


Episcopatus de littera R. c. LII.

urn:nbn:de:hbz:466:1-38372

Episcopatus de littera Q.

Cap. LI.


Quinque Ecclesienses in Hungaria, sub Stridonensi Archiepiscopo.

S.  AVRVS, Monachus monasterij S. Martini in monte Pannoniæ, uir humilitate & paciētia maximus, & castitate purissimus, à Stephano primo Hūgariæ Rege, qui uirtutū suarum periculū fecerat, Ecclesię Quinqueecclesiensi p̄positus circa annum Domini 1003. eam, quam in monasterio castitatem coluerat, in Episcopatu conseruare studuit; & tandē bonorum operum odore repletus in pace obdormiuit. *Antonius Bonfinius rerum Hungaricarum, decadis. 2. lib. 1. circa medium.* Scripsit de uita SS. Zoerardi, & Benedicti, monachorum, lib. 1. qui est apud Surium Tom. 3. 1. Maij.

Episcopatus de littera R.

Cap. LII.

Ratisponenses in Bauaria, olim sub Saltzburgensi Archiepiscopo. nunc uerò exempti.

S.  AIBALDVS, siue Gouuibaldus, monachus, & discipulus S. Bonifacii episcopi & martyris, anno circiter 760. Ratisponensi Ecclesię Prælatu, primus in illa prouincia Episcopus agnitus est, quam doctrina, sanctitate, & assiduis concionibus non parum illustrauit, multosque ad Christi fidem adduxit. Migrauit miracula operans circa annum Domini 780. *Tritemius lib. 4. cap. 220.*

3 S. Vuolfgangus, monachus Augiensis, siue Treuirensis, Episcopus Ratisponensis creatus, officium suum sedulo & sanctissime multis annis executus est: Excelluit enim uita & doctrina, ac multis miraculis tempore Otonis II. Imper. Postremo in bona senectute, correptus febre anno 994. uel 999. piē mortuus est pridie calendas Nouembris, Ratisponæ in maiori templo sepultus. *Tritemius lib. 4. cap. 223. & alij.*

D. Guntherus, monachus cēnobij S. Emerani Ratisponæ, & eiusdem postea ciuitatis episcopus, uir tātō dignus officio, annis aliquo
ecclesiam

ecclesiam sibi commissam, verbo, & exemplo mirabiliter iuuit. Tempus quo floruit me later. *Trittemius, lib. 4. cap. 243.*

S. Putho, siue Tuto, Monachus Monasterij S. Emerani, quod est in Ratispona, ob morum integritatem, & sapientiæ doctrinam, ciuitatis suæ Episcopus renūciatus, ita se gessit in opere, vt dignus fuerit catalogo Sanctorum adscribi. *Trittemius, lib. 4. c. 260.*

D. Cuno, monachus, & Abbas monasterij Sigebergensis, iuxta Coloniam, Ruperto Abbati Tuitiensi admodum familiaris, ut eius libri diuinorum officiorum, & alii nonnulli testantur, qui huic Cuno sunt dedicati, religione, & doctrina sedem Episcopale ad quã assumptus est anno 1126. dignè exornauit, & quibusdam sapientiæ suæ monumentis relictis, in pace quieuit. Floruit anno Domin. 1130. *Trittemius, lib. 4. cap. 261. & Dodechinus in appendice ad Marianum Scotum, ad annum 1126.*

D. Bruno, Monachus, & Abbas monasterij Salzburgensis, ut putato, S. Petri, & deinde Ratisponensis Episcopus, dignum se Pontificatu operibus ostendens, venerabilem se populis suis reddidit, Deoque, & ouibus suis carus, obdormiuit in Christo. *Tritt. lib. 4. c. 267. Rauellenses in Apulia, sub Salernitano Archiepiscopo.*

D. FLAVIUS, Ferrariensis, Monachus monasterij Casinensis, Græca, & Latina lingua valde instructus, & à Papa Iulio III. plurimum dilectus, à quo tandem Episcopus Rauellensis creatus, munus sibi iniunctum laudabiliter impleuit. Floruit anno 1553. *Placidus Romanus in suppl. ill. uir. montis Casini MS.*

Rhedonenses in Britannia minori, sub Turonensi Archiepiscopo.

D. STEPHANVS, Monachus, & Abbas monasterij S. Florentii, ann. 1157. Ep̄s factus præfuit annis 21. Obiitque anno 1178. *Demochares de sacrific. Missæ, to. 2. c. 23. & Robertus in Chro. ad an. 1157.*

Roffenses in Anglia, sub Cantuariensi Archiepiscopo.

1 S. IUSTVS, Romanus patria, & professione Monachus, anno Domini sexcentesimo quarto, à S. Augustino, Anglorum Apostolo primus ordinatus Episcopus in ciuitate Hrofensi, siue Roffensi (quæ à quodam primario nomine Ros, Rofeceltria, id est ciuitas Ros dicebatur) in Ecclesia S. Andreæ Apostoli sedem suam posuit, cui infedit per annos plus minus 21. vsque ad annum 625. quo traslatus est ad Ecclesiam Cantuariensem. *Trittemius, lib. 4. c. 51. & alij.*

2 Domnus Comanus, siue Romanus, Monachus S. Gregorii Pape in urbe Roma, S. Iusto ad Cantuariensem transeunte anno 625. Roffensem Ecclesiam gubernandam suscepit, quam cum annis fere

no-

nouem administret, & populum suum continuis pauisset concionibus, obdormiuit in Domino an. 633. uel 632. *Trittemius, li. 4. c. 143.*
 3 S. Paulinus, monachus & ipse Romanus, cū anno 634. ob mortem Eduuini Northūbrīe Regis, à sede sua Eboracensi pulsus fuisset, & Ecclesia Roffensis iam duobus ferè annis pastore caruisset, inuitatione Honorii Archiepiscopi, & Eadbaldi Cantīe Regis, Roffensem Ecclesiam regendam humiliter suscepit eamque sedem tenuit usque dum ipse ad cœlestia regna conscendit: ubi etiam moriēs anno Domini 654. regiminis Roffensis anno 19. mense 2. die 21. palium quod à Romano Pontifice susceperat, reliquit. *Beda, libr. 2. c. 3. & 14. Trittemius, lib. 4. c. 53. & alij.*

4 D. Ithamar Anglus, & Monachus in Anglia, S. Paulino an. 654. suffectus, & ab Honorio Archiepiscopo consecratus, annis plus minus 17. Ecclesiam suam strenuè gubernauit: obiit circa annum Domini 671. *Trittemius, libro 4. cap. 146.*

7 D. Tobias, Monachus monasterii Sanctorum Petri, & Pauli in Anglia, uir doctrina & religione clarus, & trium linguarum, latina scilicet, græca, & Saxonica, cognitione peritus, Pontificii honore refulsit annis plus minus 29. creatus enim anno 693. obiit anno 722. *Trittemius, lib. 4. c. 171.*

17 D. Vualterus, monachus, & Prior Monasterii Dorobernenfis, siue Cantuariæ, creatus est Episcopus in locum Ascelini anno Domini 1146. peruenitque, ut uidetur, usque ad annum Domini 1170. uel circa. *Matthæus Vvestmon. ad annos 1146. & 1161.*

24 D. N. monachus monasterii Roffensis, Vualtero de Marton Episcopo an. 1278. defuncto, in Episcopali dignitate succedens, pluribus annis laudabiliter oues sibi creditas gubernauit: quando tamè obierit incertum. *Matthæus ad annum 1278.*

27 D. Ioannes de Shepey, monachus & Prior Roffensis, resignante Haymone Episcopo in manus Papæ spontè, ab eodem promotus est in Præsulem Roffensem anno Christi 1352. cuius tempore incepit magna caritas oīum rerum uenaliū: & cū aliquot annis uiliter satis præfuisset, obiit. *Thom. de Vpalsingham in hist. breui, ad an. 1352. Rotæ, & Barbastri in Hispania.*

D. R A M I R V S, Aragoniæ Regis filius, Monachus S. Pontii de Tomeris ad Iauri fluminis ripas territorii Narbonensis, & Abbas S. Facundi, ex Burgenfi primum, deinde Pompelonensi sedibus, Rotæ, & Barbastri Ep̄s assumptus, ex hac tandem ad regnum ascendit anno Domini 1134. *Ioannes Mariana, lib. 10. c. 5. Annal. Hisp.*

Episco-